


華商編輯委員會全體合影民國十六年五月白



我僑應有之認識

蟻光炎

我僑梯山航海，遠適異國，經悠長之歷史，憑先賢不斷之努力奮鬥，披荆斬棘，犧牲生命，揮盡血汗，始克奠定我僑在海外之基礎。然時至今日，寰宇已激盪不寧，未來之遷革尤難逆料。歐洲局面，雖因四強會議犧牲小民族而暫獲安定，惟法西斯勢力，日就蓬勃，列強擴軍，日益緊張，各種力量，俱為不平衡之發展，矛盾加劇，利害衝突更形尖銳化，勢必以戰爭為解決一切糾紛之工具。回顧我祖國，則烽火連天，敵騎縱橫，錦繡河山，半淪焦土，千萬同胞，呻吟於敵蹄之下，為奴為隸，朝不保夕；千萬同胞，流離失所於道路之間，病無以醫，食無以養，極人寰之慘酷！向以文化最盛民生最裕之黃河長江珠江三水之沖積平原，亦化為灰燼。痛心之事，孰逾於此！

抗戰已歷十七閏月，消耗日的已達大半，我最高領袖仍繼續領導全民抗戰到底，我數百萬忠勇將士仍在最前線作壯烈犧牲，政治已漸趨改進，民族復興之曙光已現，亦足令人感奮！顧民族之復興，非朝夕所可計功；目前艱難之環境，尤須力謀克服。我人處此激盪之時代與不寧之環境中，外瞻內顧，不能不有相當之認識，以作行動之南針。

一、自抗戰以來，我僑竭忠盡能，有深切之認識者，不乏其人，然以不聞轟炸之聲，不嗅火藥之味，不親殘垣頽壁，斷肢裂腸之慘，即以為世界昇平，抗戰於我何有者，亦不乏其人。或有望勝之切，乃今日失一城，明日陷一鎮，只見我軍節節之退，未見寸土之復，加以政治之改進，未如所期，於是灰心喪志，終日搖頭嘆息者，亦不乏其人。不知今日我國之抗戰，實民族生死之關頭，戰而勝，則為獨立自由之強國；不幸而敗

，則將淪為異族之奴隸。台灣朝鮮亡國之慘，生活之苦痛，孰能忍受！猶太無國之民，顛沛流離，若喪家之犬，惟以自殺了其殘生，誰不警惕！故有祖國之光榮與自由，方有我人之光榮與自由，息息相關，豈能置之度外？至於灰心喪志者，其關切之情固可嘉，其無補於祖國則一。須知我人文化之偉大，歷史之悠久，物阜民衆，豈易為異族吞併？我人若能堅強抗戰之決心，終有光復我中華領土之一日。楚雖三戶，尚足亡秦，况我仍握有資源豐富之西南與西北，憑天險之利，足為長期抗戰之根據地，而淪陷區域，其在敵人據點之外者，亦仍在我掌握之內，是何所懼！敵之謬我已籌之有年，而我國之準備乃數年間事。力量懸殊，初期之勝敗固不待龜蓍。惟以我國先天之尤足，可補後天之不及。戰志不喪，民族不亡！多一分努力，即增一分成功，故我人慢問戰局如何，先求自強不息。縱以後之艱阻千百倍於今日，亦只有咬緊牙根，向前努力，遵蔣委座「聞勝勿驕，聞敗勿餒」之訓示，爭取最後勝利。——此我人應認識者一也。

二、本年以來，遙國有少數人士，因未明我國長期抗戰之意義及消耗戰之策略；或因他種誤會，致有種種不利於我僑之言論發生。而我僑中亦有極少數人士，未能確切遵守當地之法律或未能明瞭當地之處境，加以惡意者之從中挑撥，遂繼續發生不快之事，於中道親善之前途，不無影響。此種不良之氣氛，亟須廓清，方免為親者所痛為仇者所快，中道民族之關係，具有悠長之歷史，由於血統之混同，產生出互相了解，互相親愛，互相匡助之精神，共謀彼此之幸福與繁榮。故其親密之

關係，非只爲兩愛好和平民族之親近，而實爲同胞兄弟之親近。故我國之幸福與繁榮，亦應爲我人共同努力以維護之。有我國之幸福與繁榮，方有我人之幸福與繁榮。故我人應遵守當地之法律，了解其所處之環境及國際間之關係，其未來之懷念，貢其忠誠，共相匡濟。對於我國抗戰前途有所誤會之過國人士，亦應以我國抗戰之意義及長期抗戰之決心，與我國光明遠大之前途，以及抗戰結果與東亞和平及弱小民族之關係，詳加解釋，使兩民族間不快之印象盡除，產生出互相信賴，互相了解之親近，以其致力於幸福與繁榮。——此我人應認識者二也。

三、我國承數千年專制之遺毒，政治與民隔離。流毒所播，遂使「舍己爲人」之精神日泯。處世以「潔身自好，不問世事」爲尚；「家門不理理鄉里」時見爲子弟之訓。時至今日，民國肇造雖已廿七年，惟民仍多不問政治，服務之觀念，仍未普遍，故政治難於澄清，公衆事業，難於舉措。「一僧挑水吃，二僧扛水吃，三僧無水吃」，外人每以此爲我國譏。人人既不肯爲公衆服務，則公衆之事業自不發達，公衆事業不發達，則個人無福利享受可言。反之，苟我人能盡力爲社會服務，社會自可進步，社會有進步，我人始能享受其進步之利益。此種未能發揮服務之精神，於我僑社亦甚爲普遍。致衆力不集，應興應革之事無由舉。固也，今日僑社最急切者莫過於團結，不團結則力量不能集中，甚者互相磨擦，互相抵消，使此微弱之力量，消耗以至於零。故團結之要，人已早言之，然服務精神而不發展，雖云團結，亦僅少數人之團結，仍無補於事，苟服務精神發展，則人人思爲社會盡力，既無個人之干求，所期者惟社會之福利，人人抱此共同之目的，自能同路共進，精誠團結。方茲時局，浪急風狂，我人同舟共濟，若尤有所爭，徒促舟覆；若尤不鼓棹前進，恐亦無補於時艱。須知小我實托於大我之

中，有大我之存，方有小我之在。有大我之福利，方有小我之享受。皮毛依附，唇齒倅扶，故頭應發揮大衆服務之精神，竭誠團結，盡棄「只知有己，不知有衆」之自私觀念，以共致力於僑社事業，方能適應此時代。——此我人應認識者三也。

四、我僑富於保守精神，故僑居海外，歷十數代，仍能克保若祖若宗之生活方式與意識形態，不爲外族所同化。百數十年來，此種保守精神，已產生極大之效果。惟今日形勢已殊，交通工具未發達，環境之變動，限於一隅，市場之觀察較易，以我僑秉祖國偉大文化之薰陶，刻苦耐勞，故無所往而不有所得。今則交通輻輳，陸有火車汽車，海有巨舶快輪，空有飛機飛船，郵有無線電有線電，萬里之遙，瞬息可達，世界之距離已縮短，一隅之變動，即牽一髮而動全身。我人若再保守，是何異井底陋蛙，終不能知天地之大，終不能與他人相競逐。然要求其能與時代相呼應，必放眼於全世界之動靜及注意於本身之地位，研求新商業學識，糾正個人的，狹隘的，因襲的傳統觀念，而易以團結的，合作的方法，方足保存固有之地位。苟無「知彼知已」之智，又乏「合作與機動」之精神，勢必遭逐個擊破。近數年來，我僑商業之殘敗，即爲不能適應時代之明證。達爾文有言曰：「生存競爭，適存劣亡」。——如何始「適」？此我人應認識者四也。

上述四種認識，雖屬常談，然致力者尙渺，時艱孔亟，禍患頻仍，畏難苟安，豈能倖免？不作曲突徙薪之謀，終有焦頭爛額之日。所幸認清自己之地位，了解自己之環境，爲祖國，爲第二故鄉之我國，爲僑社，爲本身事業，竭其忠誠，共相策勉，庶足以挽此狂瀾也。

總行住曉叻仔教堂前電話二零四零四

又司理電話二零三九壹



中國上海振華油漆公司歷來所出品之雙旗膠飛虎膠各等油漆磁漆應有盡有其原料純製脫色之貨物美價兼較諸他家所出品之油漆者更有過而無不及也茲爲推廣國貨起見特運到大幫新貨來暹羅應市愿我僑胞切實購買多用一點國貨卽抵塞一點漏扈是爲至盼

有限公司

本主人白

分行址 住 三 角 路 電話二零四零零零

司公限有盛和萬